

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

ODLUKA

**O IZMJENI ODLUKE O PRIHVATANJU ZADUŽENJA PO UGOVORU O ZAJMU
IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ
ZA REALIZACIJU PROJEKTA POBOLJŠANJE ENERGETSKE EFIKASNOSTI U
JU KANTONALNOJ BOLNICI ZENICA**

Sarajevo, oktobar 2019. godine

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Predstavnički dom Parlamenta Federacije Bosne i Hercegovine na ___ sjednici održanoj _____ godine i Dom naroda Parlamenta Federacije Bosne i Hercegovine na ___ sjednici održanoj _____ godine d o n o s i

ODLUKU

O IZMJENI ODLUKE O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ ZA REALIZACIJU PROJEKTA POBOLJŠANJE ENERGETSKE EFIKASNOSTI U JU KANTONALNOJ BOLNICI ZENICA

I.

U Odluci o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica („Službene novine Federacije BiH“, broj 54/19) u tački V. stav 1. druga rečenica briše se.

II.

Ova Odluka stupa na snagu narednog dana od dana objavljivanja u "Službenim novinama Federacije BiH".

OBRAZLOŽENJE

I - Pravni osnov

Pravni osnov za donošenje ove Odluke sadržan je u članu 40. stav (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav (5) predviđeno je da Vlada Federacije Bosne i Hercegovine nakon prihvatanja nacrtu kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

II - Razlozi za donošenje

Vlada FBiH je na svojoj 151. sjednici održanoj 19.07.2018. godine utvrdila prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica (u daljem tekstu: Odluka), a Parlament Federacije Bosne i Hercegovine je na sjednici Predstavničkog doma održanoj 10.04.2019. godine i na sjednici Doma naroda održanoj 18.07.2019. godine donio navedenu Odluku („Službene novine Federacije BiH“, broj 54/19), sa ciljem izgradnje novog termoenergetskog bloka, mašinske instalacije i utopljavanje objekata JU Kantonalne bolnice Zenica.

Dana 16.08.2019. godine Federalno ministarstvo finansija – Federalno ministarstvo financija je zaprimilo akt Vlade Federacije BiH broj: 03-14-1504/2017 godine, te akt Ureda Premijera Federacije BiH broj: 01-17-605/19 od 15.08.2019. godine, u čijim priložima su Zahtjevi Vlade Zeničko-dobojskog kantona za izmjenu Odluke.

S obzirom da se u dostavljenom Zahtjevu Vlade Zeničko-dobojskog kantona traži izmjena tačke V. Odluke, gdje je navedeno da će Zeničko-dobojski kanton potpisivanjem Podugovora o zajmu prenijeti zajam na JU Kantonalnu bolnicu Zenica kao krajnjeg dužnika i korisnika zajma, Federalno ministarstvo finansija je pokrenulo potrebne procedure za izmjenu Odluke.

Izmjena postojeće Odluke proceduralno ne sprječava provođenje daljih procedura, odnosno usvojenom Odlukom predviđa se potpisivanje Podugovora o zajmu između Federacije BiH i Zeničko-dobojskog kantona, te Supsidijarnog sporazuma između Bosne i Hercegovine i Federacije BiH.

Također, izmjenom Odluke, Federacije BiH će na osnovu navedenog Podugovora o zajmu sredstva zajma prenijeti na Zeničko-dobojski kanton, kao krajnjem dužniku i korisniku zajma predmetnog Projekta.